



Regd.No.19134/88

<http://www.kbc.org.in>

NAI/220/99

No-G-4/Regd.Magazine/KBCThuso/MNP-81

KBC|THUSO

So467

Kum 55 Ihinna

Lhatun/April 2018



Meithaite

May 2018. Events

NUTE NIKHO - 13

PENTECOST DAY - 20

LYDIA PROJECT DINGA TAONA NIKHO - 27

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



Zoupi Baptist Church KBC No. 7 Golden Jubilee song Rev. Paojangam Haokip in ahon a Rev. Lamkeng Lhouvum in Diamond Jubilee song hondohna.



www.kbc.org.in



kbcindia@rediffmail.com
mail@kbc.org.in



Men Department in Workshop on Church response to Social concerns and creation care 15-18 March. a C/Church Chavangphai, Moreh Gambih 15 mun a ana neinao.

CONTENTS

THUMAKAI HO

1. Editorial/Pathen mingailut	1
2. Houbung Damtheina/Rev. Henjalen Doungel	3
3. Kipumkhat thahatdan/Rev. Letpu kipgen	7
4. Thoudoh in salvahtan/Miss Anem Haokip	10
5. Christalungput/Rev. Seikholen Nagaland KBA	12
6. Mission Column	15
7. Men Column	21
8. Women Column	22
9. Youth Column	25
10. Christian Education Column	27
11. Report	30

EDITORIAL BOARD

Chairman	: Rev. Dr. HawIngam Haokip, President KBC
Editor	: Dr. M. Thongkhosei Haokip, General Secretary
Joint Editor	: Rev. Henjalen Doungel
Contributing Editors	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



“PATHEN MINGAILUT”

Editorial

Ajeh chu Pathenin hi banga hi vannoi angailut ahin, koi hijongle ama tahsan chan chu mangthah louva tonsot hin kemlou anei theina din a chapa chang khat chu apetan ahi (John 3:16).

Amasatah in muntina um Kuki Christian chate jouse ahideh a KBC member ho jouse chung a i Pakaiyu Jesu Christa minin salaam kahinpe cheh uve. Tulha thupi chu “Pathen mingailut” ahi toh kilhonin, i houbung leh lhangpi hink-hoa sahphat ding tampi lah a ngailutna hi jong poimo tah khat in kagelin ahi. Atah bah chun hiche hi vannoi mite a dinga kipana thu alenpen ahiye. Hiche article ah hin Kuki Christian te lah a adeh a houbung sunga Pathen mi ngailut thudol chomcha kahin tahlang in ahi.

Pathen mingailut hi among (border) aneipon, milen-mineo, mivom-mi-

*kang, miching-mimol, numei-pusal,
Jew-Gentile, chonpha-chonse, chuleh
adang dangah det khenna aneipoi.
Mi jouse chung a mingailutna kibang
cheh aneieye.*

*Pathen mingailutna aumje chu (char-
acter) chu jat gup a seithei hinte. Khat-
na ah, hiche ngailut na chu ngaidam
jouna ngailut ahi. Mihemte itobangin
chonse jong leh ngaidam joulel umlou
ahi (Isaiah 55:7; Psalm 32:3-4). Anina
ah, hiche ngailut chu gambol na leh
suhdihna ngailut ahi (Hebrews 12:6).
Athumna ah, hiche ngailut chu lainat-
pina ngailut ahi (Isaiah 63:9). Alina ah,
hiche ngailut na chu thohhatna ngailut
ahi (2 Peter 3:9). Angana chu ahileh,
ama kikatdoh ngailut na ahiye.*

John 3:16.

*Hitobang ngailutna chu labol pa'n
anajih, "Twikhanglen hi pen twi hihen
kijih kang jong leh Pathen mingailutna
kijih chai theipo laiyyinte" tia sem hi dih
tah ahiye. Hitobang ngailut sanglou ho
chu milah a mivangse pen hitalou diu
ham? Hijeh chun Pathen mingailutna
kisan cheh u hitin, hoilai munah um
jong leu hen ijat inam mite leh adan-
gho toh Pathenin eingailut banga eiho
jong kingailu cheh dingin ikitem cheh
uve. Hiti chu ahung hiteng leh iPakai-
yin eingailutnau chu aneo pena eiho
hinkhoa ibulhin sah diu ahin, Pathen
lunglam bol ihidiu ahiye. Lungluttah
a simjouse chung a Pathen vangboh
chang jing taken.*

HOUBUNG DAMTHEI HO SUNG THUGIL

Text Acts 6.1-7.

Rev Henjalen Doungel
Mission Secretary

SERMON

Solchah bung 6:1-7 chan hi ivetleh houbung boina a Christa alaia pansah a kimaito pia jona lentah nei Jerusalem houbung sung thilsoh chu ahi. Hiche bible chang a kon imu thei uchu houbung damthei hon houbung sung ipi iti avetkoluva khangtou va damthei uham ti ahin point 10 kihildohthei aume.

1. Houbung sungahi boina hung lhung tei ahi ti agaldot masaove. Ipi hijong leh ahing thei jouse hi natnale gimna tohlouding ima cha aumpoi, Jerusalem houbung jong chu ahingthei houbung anahi. Pathen in thilkidang tampi houbung sunga hin asosah in, tahsan thah akibe jingin, lamkaiho laha jong kipa na anaum in ahi. Ahin lah phatchomkhat jouvin houbung sunga kon kinoh phah na ahung soh tan ahi. Hichu anneh tuidon kihop na a meithai chaga ho lungkim louna a kon ahi. Ajehchu Hebrew meithai ho chu Grecian meithai ho sangin chanvou hoijo anachang un ahileh houbung sung kinoh phah na ahung soh tai, hinlah houbung chun lhah samna a aneijem? Pathen to kigamlat na a anei em? anei pouve, Christa chu Houbung kivaihomna alaija apansah jeh un.

Houbung jouse hi chapang hung khanglenlai bangle insung khangtoulai banga boina neithej jeng ahi. Boina ho hi eima insung, inatoh na mun akon hung kipan ji ahi. Hitabang boina ho hi aphamo

mong hijeng louvin khonunga thilpha khat hung so doh nading joh hithei ahi.

2. Amaho chun kiseisetna chu chingthei tah in akhengun ahi. Insung damthei tah jong boina nikhatle atotei ahi ti iheove. Kiphinna neiho hin insung chu ahatmo nading a bol hilouvin

alungnop lounao bou hetdoh a aumding deisah jeha houbung sunga chu kiphin jiu ahi. Ahin hetdinga pha khat chu kiphinna jong hi khonunga thilpha khat hung so nathei ja kiphin aumin chule cancer natna banga jendam mohel houbung kelhah nadinga kigong kiphin na jong aume ti hetthem ding anaije.

Alhutading sa houbung khat hin tungdoh kit Texas khopia tunia houbung lenpen khat a hinsem doh Pastor khat chun hiti hin aseijin ahi, Kahoubung sunga chun ka Deacon khat hi kanatoh jouse a eidemin eitosot nom hih helle, Kalung anadong lleh jeng in, Hichun ken jong amachu atoh muna chun ka-chuti um sah in ahileh midang tohkhom pi ho chun thildih lou aseija abol ho chu aheovin aman keima eihademchan in adangho ngailut le tosot chu kachang in ahi. Hichu keidia lohina dia kibil phuna ahung hitai.

Pastor chingthei tah chu min ahin seiset teng lunglha louding ahi. Ipi jeha min ahin seiham ti kholin tin ahethdoh teng hichu kismphat na a aneiding ahi. Hitabanga athilbol chu houbung dia jong damna ahi.

3. Boina ho chu aphot chan aboipi jiuvin ahi.

Tahsa damthei tah khat le damthei lou khat kibah louna chu natna asachunga ahung lut teng atahsan atindana chu kihethei ahi. Minelkal jing konkhat chu donlouva ikoija ahileh pha aumin kinelkal na konkhat chu kikholtah nadia phatah ahijin thilpha khonunga hung sona kinelkal na jong aumthei jin ahi. Ipi boina hijong leh ahung soteng

deden louva aphot cha kimaito piding chu houbung dia damna ahi. Houbung damthei tah chun boina ahung lhun masangin asuhlhap nading tohgon aneisa ahiji tai. Khonunga damna ding ahileh boina chu avella asokit louna dinga ahinsempa lahdo/ haisah jong chu damthei na khat ahi.

4. Houbung damthei tah chun Lay Leadership agelkhoh uve. Pastor/Head Deacon ho hin houbung boina jouse ahang a asuhlhap tei ding tina aumdeh poi. Houbung damlou ho avang Pastor pa hatah a apan ngaiding ahi. Houbung damthei lou ho kihetna chu "boina sulham dia Pastor tolop kipe ahi" ti lungel umna munho chu ahi.

Pastor konkhat hi mopoh na atohkhompi Lay leader khat in ahinlah le athaneina kilah mang peh dana gel loi aumjin ahi. Hiche hi Pastor dammo ahi kihetna ahi. Pathen in ahoubung sunga tohdang jouse ahang tongdia pastor hohi ahin nganse ahidih poi. Midangho lhagao hinkho kismphat nadia atohdiuva ngai ho ahethdoh thei nadiuva Pastor chun akithopia lampi akomupeh ding chu ama mopoh na ahi. Boina hung soh jihohi lamkai ho talent hetdoh na a manchah thei hiji ahin, hitabang boina ho hi suhlhapna dia lay leader ho mopohna len-

tah aume tihi houbung damthei tah hon ahethem un lamkai jouse amannading dolcheh in amangcha jiuve.

5. Pastoral leadership hi kintheng natoh nalam ahijoh sah un ahi.

Tahsa tibah khat adammo teng jendamnading lungel Luchang jeng seha akingam poi. Khat-vei kom komle luchanga kijen dingdan kigel sanga gellouhella tong khutle keng mopoh na aletjoh nikho aumjin ahi. Hibanga chu Deacon danghon boina suhlhapna a pan alah dinga ahi.

Pastor tamtah boina chu amaho mopohna ahinading dollchet-na manthem loujeh ahinomji. Hitabang ho chu achainale houbung bulletin sem, chapang vesuiho suhtup, chule absent ho record boipi mai mai ahung hiji taovin achai chaina le tohmolso joulouvin amopoh naova kon lhase tah in ahaiji tao vin ahi.

6. Houbung damthei achun mipi ten lamkai phatah Pathen he alhengjeove.

Houbung hi itabang ham ti kihetchet na pen chu alamkai kilhen ho ivetleh akihechen thei pene. Houbung kon khat hin Pathen mi hina kicheh tah nei deacon kilhen sangin lhagaomi loubeh khat neijou jeh ham, bolthei jeh ham, ahilouleh

houbung hinsuboi thei jinte tijeh hamin lamkai alhengjin amaho chu houbung kongtola ahung panteng mipite dinga vangset umtah tahsa le lhagao-va khantouthei louna tah ahung hidoh jin ahi. Hitabang houbunga Pastor ho chu lungset umtah ahiove.

Houbung lamkaihi Pathen ging mi lhen angaijin hichu Pastor in alhending hilouva houbung mite ma man alhendingu Pastor chun kilhenna dihthei nadinga pan alah ding ahi.

7. Houbung damthei a chun Houbung miten alamkai pao atahsan un akisonpi jiuve.

Lamkai phatah houbung miten ahin kilhen doh teng kivaihom na kong toldinga tahsan na neitah a anganse dinga ahi. Lamkai ho chun boina ahin tou leh Pastor in adinpidingu chule mipin jong atahsan nao alhakang lou dinga ahi.

Akilhengdoh lamkai ho songlouva kivaihom na jouse a panlago houbung chu itijong leh damthei louding ahi.

8. Houbung damthei chun Christa dongsunin boina asulham ji.

John MacArthur in hiti hin a commentary jih na a anajih e "Jerusalem houbung in mi

7 lamkai dinga alhen uchu abonun Greek min aneicheh un hichun avetsah chu amaho chu Hellenist ahiuve. Houbung chun kipumkhat le kingailut vetsahna,sihnei langnei na umlouva kivai hom ding deisah na a Hellenist meithai ho gelkhoh na a Greek mi tahsan chate laha kon lamkai ding analhen u hid-ing ahi" anatin ahi.

Houbung sunga hi loitum sem-na auma jatle nam chule in-sungkai a kitumbolna aumleh houbung adamjipon,milhasam te chu houbung in adinpi teng houbung damthei na ahijin ahi.

9. Boina ho asuhlhapdanu chu ahoijin vanoi jin apahchan ahi. Houbung sunga boina ahung umji teng midang hon ipi hung soham tin anave jiuvin ahi. Hitabang dinmuna hi lamkaihon iti handle abolum ti akivejin boina suhlhapnading chu Pastor pa lamkaina a lamkaicheng mopoh na ahung hi jin ahi. Hi-jeh chun Pastor pa le deacon ho chu lungkhat thakhat tah a pan alah khom louleh houbung chu adam nagai pon lungkhat tah a pan alahkhomnao houbung chu iti jong leh khangtou tei ji ahi.

10. Houbung damthei a Thil 12 muthei in aume.

Houbung in pathen deilama na ahin toh a,lungset dinga kilom lou ahin lungseta,abol engsete ahin ngailuta,boina ho kipah taha ahin kimaito pia ngailutna a vai ahin homteng thil 12 asoh jin ahi.

*Houbung sunga Pathen min choiat in aumji

*Jesu Christa akipah ji

*Lhagaotheng natoh na aki-muthei ji

*Satan akipah ji tapon ahi

*Lungphatlou keng ho alung-dong ji taove

*Minel kalho athipji taove

*Houbung ahung hat doh ji

*Houbung mi ho genthei na toh ho tilkhou ahung hi ji taove

*Pamlam mihon akipa pi jiuvin chan aneinom jiuve

*Nangma tah jong phatthei nachang e

*Vana nasan ding atame

*Minphat na lentah nachang ji

Mi atam jon tunin inung lamu velveta Pathen thangvah je ihe gam taove.Ibolcheh diuva deium chu Houbung boina ito masanga Pathen koma kipa thu seijin aphaí.Ajeh chu boina kiti jouse hi mabana khantounading-le machal nading lampi hung kilhung lut anahi nom jin Pa-then toh pang khom ho din thil hung lhung jouse hi phathtie channa jeng ahi ti heo hite.

Kipumkhat Thahatdan (Power of Unity)

*Rev. Letpu Kipgen
Finance Secy. KBC*

Sermon

Introduction:

Gospel John 17: 1-26 sunga Pakai Jesu aseijui te dia ataona achaina lam a hin lhah na thu ah hitin apa hengah ataove "Kapa theng eini pumkhat ihi banga ama ho jong pumkhat ahi thei na dingun" ati, hiche vannoiya atahsan chate jouse lungkhat le kipum khat ahithe nadingle khonunga hinkho thenga aumthei nadingu deina a Pa henga tao ahi. Kipum khat dan noiya hin achom lamin themkhat ana veo hite.

1. KIHETKHELNA/HETTHEM LOUNA (Misconception)

A. Christian te lah hin kipumkhat le kiloikhom dan hohi kihetkhelna/hetthem louna tampi aume, Christian ho lunggel a hi kipumkhat kiti hi kin (programme) hoa jaokhom, nekhom, donkhom, golnop bolkhom ahi louleh loile gol hotoh kimuto a lhat khom kiti hohi kipumkhat danin igellun ahi. Ahin kipum khat kiti hi hiche ho jouse chungvum a chu Pakai toh chule houbung mite ho jouse lungthengselle lunggil tah a kiloikhom na ahin, hichu Christian ten Pakai lenggam na itoh naova dia athahat pen le athanei pen ahi.

B. THANEI CHUNGNUNG

Gospel John sunga Jesu Christan taona aman na a koi hile ama(Jesu) tahsan le anungjui jouse hi thakhat ahiuvin, vannoi miten ama ho kipum khat na a kona Christa atahsan dingun ahi (Jn.17:20-21) Pakaijin amang thai ding vannoi mihemte aven ahile huhhingna, kithopina angai chat danu amun alung ase lhez jengin ahi. Aman ase na a hin vannoi miten Christa atahsan theina ding uva hin, thusei thep, lekha thep, kivaipo them ho jal ahipon, ahinla "amaho thakhatle pumkhat ahiuva, keimale Kapa thakhat (pumkhat)ahibanga ahiule lhagao mangthai ho Christa kom alhut thei/apui lut thei dingun ahi ati". Tahsan chateho Christa jalla ikipumkhat uva ikilungkhat teng uleh hichu thanei chungnung hintin midang hon ahinmu teng uleh Pathen ahin vahchoi dingun ahi. Tunia nang,

kei, ama , amaho ti umlouva Christa jalla ikipum khat diu akul pen ahitai, achuti louleh insung, houbung sung, gamsung, namsung akhang tou jou louding chu ihi taove.

2. KIPUMKHAT HILCHET PHABEP VEO HITE

A. Kidopto / Kisahto: Kipumkhatna aum thei nadinga hi khat le khat kidop to a Pathenin eipeh u athu a nun a chule anung phate cha a juiding hi ahi. Pakai Jesu in aseijui ho adomsangin hitin aseijin ahi “ nangho keima kipana thupha hi vannoi henga napohlut ding u ahi ati”. Keiman nang ho kalhen hi nachung uva tahsanna lentah kaneieye ati, ajeh chu nanghon vannoi hi kipana thupha jalla nakikhel sah ding u ahi tai.

B. Ngaichatna (khat le khat kingaichatna)

Pathenin tahsan chate ho kilungkhat tah a ding khom'a midangin angaichat na mun ho a kithopi ding hi adeipen ah. Tahsan chate hi houbung khat ahi loule kiloikhom khat hi man a kipumkhat ahi thei poi, ahin lungkhat tah a pankhom chule adeh a genthei chaga meithaiho khoto le kithopi ding chu igut teng u le midang hon (atahsan loulai hon) ikipum khat nao chu amu tengu leh Pathen loup na ho chu kicheh tah a amu ding u , vanna um ipao chu vah-choi thei tao vinte.

C. Kilungkhatna: Kilungkhat na hin Christa a dinga ikipum peh naole aman bulhingsetna athisan a eichohdoh nao avetsah in ahi. Pathen thun eihil naova hin Christa inilhagaovu ngaichat nale dangchah na asu bukimin, akeh le ase tasa asudamin, ahinna apumpin akipe tai. Hichun eiho jouse chonsetna suhtheng le ngaidamin ium taove.. Pathenin achapa Jesu Christa a um kilungkhatna lungthrim chu eikhum peh taovin ahi. Chuti ahijeh achu ilim imel u chom cheh hihen, phungchom changchom le namchom chule pao chom cheh tho hijong leohen Ama a kilungkhat dingle kipumkhat dinga eikou u ahi.

D. Kitahsan tona: Tahsan chate kika a kilungkhat na aum tengle khat le khat kitahsan tona jong aumjin ahi. Kipum khat nahi kitahsan tonan ajuijingin ahi. Kipumkhat na aum lou teng houbung chule lam chom chom a kiloikhomna ho jong kitahsan tona alhom in ahi. Itoh na lam lam a khat le khat kitahsan tona angaijin ahi. Kitahsan tona beijin ikiloikhom naho jong khangtou thei lou ding ahi. Lhagao lam hihen tahsa lamdol hijongleh mihem khat chu

kitah na neitah a hinkho man angaiye. Pakaijin aseijui te ho chu khat le khat kitahsan totah as hinkho aman ding uvin ana seipeh in ana tilkhon jingin ahi. Chule Pakaijin aseijui te ho chu ngaman lensep le milham mai maiho chu vanna akal touding kon chun vannoiya kipana thupha seiphong dingin tahsanna neitah in ngansena lentah ana pen ahi. Hibanga chu tunia eiho jong Pathen a dinga chule khat le khat chungah kitahna neitah a hinkho mang dingin iki tiem uve.

E. Kipehdoh / Kiphal Theng:

Kiphal theng na ahin thilni aume

I. Amasa in Pakai Jesu Christa khutna kipeh theng ding ashi. Ajeh chu Pathenin Christa chu adomsangin thaneina jouse ama ape tan ahi. Hiche jeh achu ama khut as ikipeh theng ding u ahi.

II. Khat le khat kom a kipeh theng ding ahi: Ajeh chu kipeh theng na beijin kipumkhat na aum thei poi.

Thu chaina (Conclusion):

Tulai houbung/ kiloi khom nahi kaven ahile kipum khatna aum thei louna ajeh pipen hi kichang ngailut le changval phatchom ngaina, mipi phatchom nading gelsanga eija ding bou gelna, kamsunga kon a kiseidoh thu-

chom ahia lah ilung sunga igel le ingai to chu eima changval phat chomna jeng bou ahi. Chuti ahi jeh in ilah uva kipum khatle kilung khatna, chuleh kitahsan tona aum thei tapon ahi. Tunia igel diuva kadei chu boui na sem hilouva bouina sulham thei lamkai, minu mipa chule khangthah tampi aum thei nadinga Pathen henga ithum jing diuvin tiem naleh ngehna kaneije. Pathenin houbung leh ikiloi khom nao kipum khat tah a idin khom thei nadiu vin phatthei eiboh tao hen.

GOOD FRIDAY & EASTER SUNDAY 2018 KIPAH A KIMANG TA.

Pathen mapuinan kumdang lhadang danga bangin tukum in jong Good Friday le Easter Sunday kipah tah le thanom tah in KBC houbung jousen boina ima um louvin anakimang tan ahi. Nikho Thupi chom chom mangchan houbung tilchana Pathen mingailutna thusim seidoh na akinei jin chule eilhatdam jalluva kipa thu sap phongna jong Easter Sunday nin anakimang in ahi.

Pathen in houbung mite phatthei eiboh jingu henlang ahung lhung ding kum a jong hitabang a kiapah le thanom taha nikho loupi mangkit din eiching jing taohen.

Thoudoh in salvah tan

(Isaiah 60:1)

Lhingjanem Haokip
Secy. Women Dept., (KBC)

Sermon

Thumakai

***Isaiah themgao lekhabu Bung 60 sung hi
Zion a Israel chate kile doh kitna ding thua
Isaiah themgao thuphon ahi.***

Is 60:1 a ***“Thoudoh in salvah tan, ajeh chu na khovah ahung
lhungtai; Pakai loupina chu nachunga ahung lhung ding ahi”*** kiti
thu hi Zion a Israel chate kiseina ahi. Israel chate chu Pakai douna
a achonset jeh uva achunguva Pakai thutan na lhunga, akhopiu
Jerusalem jong chu agal miteu khut a suhchim a anaum a, nasatah
a genthei hahsatna hinkho a anaum ahieve. Ahin Pathen chu amite
chung a kitah jingle amite huhhingji Pathen ahin, ami Israel chate
chu huhhingna ahin chan kit a Israel chate chung a khovah hung
lhung kit a, Pakai loupi chu achunguva lhung ding ahitai.

Thoudoh in:

kiti hi chonset muthim a kon'a
Pakai phatthei boh nale mi huhh-
ing na hongsung a hunlut ding a
Zion a Israel kouna le hetsah ahi.

Salvah tan:

Hichea salvah tan kiti hi Pakai mi-
huhhing na jal a Israel chu salvah
a aumbanga vannoi a midang
dinga vah le salvah a pang ding a
hetsah ahi. Chuti a chu Isreal
chu muthim salvah dingle miho
dinga phat theina a pang ding a
hetsah le nganse ahieve.

Ajeh chu na khovah ahung lhung tai:

Hichea khovah ati hin Pakai mi
huhhing na jal a phatthei na
kiseina ahin, hibanga chu Israel
chu kipana thupha hettoah sah a
pang ding a kisei ahi.

Pakai loupi chu nangma chun- ga ahung lhung tan ahi:

Ami huhhing na chu Isreal chun-
ga lhung ahitai. Alang khat a
seidin hiche huhhingna chu
Leng Messiah kon'a Pathen mi
huhhingna phondoh na jong

ahi. Themgao Isaiah chu OT Themgao ho lah Huhhingpu Leng Christa hungpen ding phongdoh tampen ahi.

Hiche jeh chun Isaiah Themgao lekhabu hi Thulhun lui kipana thupha Gospel tin jong akihe in ahi. Isreal ten gamthip lai ajot laiuva Pakai loupina amit mu tah uva akilahji banga chu Huhhingpu Leng Messiah ahung kit tengle Pakai Pathen loupina chu mit mu tah a kilang ding ahitai. Christa mi huhhingna jal a chonset muthim a umte chu huhhing changa khovah chate ihu ahitan, Huhhingna chang khovah chate chu huhhingna kipana thupha hettah sah dingle chonset muthim salvah dinga sol ihuue.

Chuti ahijeh chun Christa jal a huhhing changsa Nute ho Pakaijin chonset muthim a um ho salvah dingle kipana thupha helou laiho hettah sah dinga nganse na lentah einei u ahi. Ahile tukum 2018 Nute Nikhoa I Thupi diuva hung kitah lang Thoudoh in Salvah tan, kiti thumun a kon'a hi eima insunga jile chate a dinga meivah pha banga ipan jou jingu hinam ?. Thilpha bol jing minu Houbung sungle insung le gamsunga dinga muthim lah salvah dingle Pakaijin einganse nao tongdoh jou minu khat hicheh dingin Pathenin phatthei eibohchek tao hen.

Pathenin asim jouse a din phatthei boh taken.

GOOD FRIDAY & EASTER SUNDAY 2018

KIPAH A KIMANG TA.

Pathen mapuinan kumdang lhadangdang abangin tukum in jong Good Friday le Easter Sunday kipahtah le thanomtah in KBC houbung jousen boina ima umlouvin anakimang tan ahi. Nikho Thupi chomchom mangchan houbung tilchan a Pathen mingailutna thusim seidoyna akineijin chule eilhatdam jalluva kipathu sap phongna jong Easter Sunday nin anakimang in ahi.

Pathen in houbung mite phattheiei bohjing uhenlang ahunglung ding kum a jong hitabang a kipah le thanomtaha nikholoupi mangkit din eiching jing taohen.

Christa lungput Nanghon jong neijun ati.

(Phil 2:5)

Rev. Seikholen Singson
Nagaland KBA

Sermon

Christa lungput chu ipi ham

Adonbutna chu

Ama Pathen ahina chu kolchahjing jeng ding lung apupon ,mihem limle melpun ahin kisollhan,ama sohlum in aum in,ama akineosah jing in thina chan gei in thun anung in kineosah tah in sohna atong in ahi. Kineosah tah in vannoi ajouvin ahi.Kineosah na tailouvin sohna akitongjou pon ahi.

1. Pathen thu nunna le athu-
peh nitchu, Christa lungput chu
ahi. Gethsemane hon a ataovin
Hepa hiche khonhi keija kon
in tolmang in amavang keima
lunggot bang hilouvin,nangma
lunggot bang hijohen ati. Chuin
Hepa hiche khonhi kardonlouva
kitolmang theilou ding ahileh,
nangma thuthu hihen ati.Matt
26:42. Hitabang hi Christa lung-
put ahi.

2. Soh kitihhi thununna chang, mi
thunoija um,mi thuthu achonho
ahiove. Bongchal chu phatecha
a akithunun thei tengle bou lou
phatecha a akaithei bou ahi.
Hiche bang a chu Pathen na-

tong ding hojong Patnen thu-
nun na changdiu chuleh Christa
lungput aneidio ahi.

3. Kineosah:-

Tekah thei khat chu, India Prime
Minister masapen Jawahalal
Nehru chun hitin aseije, India
Prime Minister masapen nei-
tisang un India ading a (First
Servant) neitijo vin ati. Amachu
Christian ahilou vang in Christa
lungput aput a sohna tong a
kigel ahi.

Rome lengpa Augustine mich-
inghon thu agadong un, Chris-
tian teding a khoh nasahpen
ch eh thum(3)neiseipih uvin
atileh, aman Christian te ading
a khoh kasahpen ch eh thum

chu,1.Kineosah 2. Kineosah 3. kineosah hicheng thum hi chris-
tiantie ading a akhoh pen ahi ati.

5. Martin Luther injong aseij-
jin, Christa muchen, hechen
hochun hitin aseije uve, Leile
van sempa mihemte sempa
pa Pathen leile van thuneina
jouse neipa chu akineosah in,
mihemte chotpha le khutthah
lhaunan akipe dohin thichan
geijin akipedoh in athattaove.
Amatahsan chaten jong ama aki
neosahna hi ijudio ahi tin aseij-
je. Eihon jong Reverend, Minis-
ter tia jaja lentah ipeh jiuhi adih
e. Dictionary seidung in jong
ja umtah ahiuve.Minister hi
Semang-Luchang-kaihoi tin ak-
iseije. Ahinlah Hou thudol ahin,
Minister chu sohнатongpa tina-
joh ahi. Soh ho chun apupa khut
lamjeng avejing ji'e. Hichebang
achu Pastor reverend honjong
pathen lunglam jeng avetlhih
jing diu hi ama lungput kiti ahi.

Chule pastor hojong hi keln-
goi chingpa, gamkai khat a
houbung vetuppa Houbung
lhacha chule (Chawkidar)itiu-
tabang a soh natong ahiuve.
Avetsahnan loujaova tollhang
a geh kelngoi ching hochu
misoh, mithalah ho ahiuve.
Amaho hengah chun kidang-
tah in Pakai vantil ahungkilah
in, hachangpa kipana thupha
kahinpoh pih nahiuve ati. Chuin

vanmi janelten la ahin sauvin,
leichung a alunglhaina miholah
a cham lenghen atiuve. alungl-
haina miho lah a atichu itabang
mi hiuvam? itile christa lung-
put puho chu ahiuve. Christa
lungput chu pathen lunglhaina
miho chu ahiuve. Chule Pakai
Jesu baptize achanni chun vana
konin o ahungging in, amahi
kachapa deitah ahin achungah
kalung alhai tangei je ati.

Solchah Paul injong Pakai soh
kahitin jong aseijin ahi.(Ti-
tus1:1)Aman jong Christa lung-
put aputjehin hitin aseije, kei-
hohi Christa toh na tongkhom
a kahiuvin, Pathen milungset na
chu moh a mua nahilou nadiuva
kajol nahiuve ati (2 Corinth 6:1)
Vannoi keimadinga chule Keima
vannoi dinga thingpel a kikhet-
beh kahi ati. (Gal 6:14) Chule
nanho a Christa lim asodoh
kahsea naosonat thoh bang a
kathohgim ahi ati. (Gal 4:19)
Christa lim ati hi alim amel ase-
ina ahipon, ahinkho le alungput
aseina ahijoi. Solchah Paul hin
Christa lungput le hinkho hi
asuhbulhit tahbeh ahi. Amahi
Reverend Pastor tia koudia lom
mong ahi.

Tulai khangthah Reverend,
pastor ahiloule Evangelist hon
jesu Christa lungput ding sang
in (Title) minphatna, loupina
thuneina ding le Director ama

thuthu a vaihom ding thunei ding bou akideitai. Pastor khat in thu hitihin ahinseijin Pakai Jesu khanglai chun, kengin anavah lele jiuvin hiche laichun Jeep le car Gari anaum hihla jin, tulaihin vannoi machal le khandou dungjuijin Jeep le car beijin na akitong thei tapon, chule sumle pai beijin jong na akitong thei tapoi, aphabetdung jui a aum ngai ah ahitai tia ahinsei chun mipin jong dih asacheh jengun ahi. Jesu toh kilhonkhom sang in Vannoitoh kilhonkhom ding hi miten angaicha jotan ahi.

Abraham Lincoln, heng a Sepaiten Pu President Pathen eiholam a apanlou leh Gal kijoupponte agatiuvin ahileh, Chuti chu ahipoi, eihojoh Pathen lam a ipanlou u leh gal ijolou diu ahi anati'e. Hitabang a US President pan aseih akidang e. Tulai Hou natong hon Abraham Lincoln thusei hi ijuidiuvu pha ahi. Ajehchu tulai mihemten Pathen phatthei bohdinge Pathen panpi ding bou ingaichauvin Pathen lama panding le amalung suhbulhit ding hi min ageltapoi kitijong leh kiseival ponte. Pathen chu eiho lungtup le lungdei joh suhbulhit sahding in ha taovatao loi maicham semsem loi akitamtai. Eiho ding a maicham sem pha ham Pakai ding a maicham sem pha ham?

Pathen natohna ding a hi Sumle pai Jeep le car ngaijo ha lhagao-va dimset ngaijo ham? Vannoi toh ikite kah peh ule vang Pathen natoh man umponte, Augustine lengpan kineosah ding thumvei (3times) aseih ngaito lechun Christian hinkho a jui hahsa pen khat hinte Jesun kotjim a lut un, kotjau lam a lut mi atam e atibang in kotjim a lut ding mi alhom e, Christa lungput ding jong koima akimu jou tapoi tithei ahitai. Kineosah a Pathen natoh ding vang hi vannoi mi musit le dem kaijinte. Ahivang in Pakai Pathen invang musit ponte.

(1) Pathen natohna ding a ap- hapen chu lhagaova dimset hi ahi. Lhagaotheng nachung uva ahung lhun tengle nanghon thahatna nanei dingu ahi. Acts1:8

(2) Pathen in namanchah loule khong bengbeng jong le chun koima lamponte. Na sumkon mutmut jong le chun koima gala konponte. Hijehchun Pathen lunglhaina mi ihithei nadiu le ilamnauva min pan alah theina dingin Christa lungput chu nanghon jong neijun ati. Asimjouse pathen in vangboh taken. Amen

Mission Column

AMRAJAN MISSION CENTRE A HOSTEL KISA TADING

Achesa 21 March 2018 ni chun Amrajan Mission Centre Gambih pastor pannan KBC Mission Board le Gambih houbung lamkai cheng ki-hou na anakinei jin agamin angaichat dungjujin hiche Mission Centre a hi Hostel Inn khat sah tah din kiphat sah na akinei tai. Hiche tohgon hi achesa kum 2017 a Mission Board kilolna banjom hung hipeh ahi.

Hostel sahna a lutding Thing jouse Sehjang haosapun agam donate ahin bolding convention mission in kiad ding ahi. Neldi lutding jat jouse Khoding houbung in agamuva kon donate ahin bol ding chule bangpheh kigending ahijalla Gopum alutding jouse Joujang houbung in mopoh na ahin lah ding Gambih Golei akon ahin sat khom ding ahi, chule foundation a leiset lutding gambih houbung jousen gari trip khat cheh atoding ahi.

Hiche hostel sahna a hi Pa Thanggin Chongloi le pa Haopu mopod-ing gambih pastor pa makai na a amuna um Evangelist Jamthang to kithouva agangthei pena sahchai nadinga pan kila ding ahi.

Hostel hi asaodan 74 ft hiding aletdan 14 ft hiding ahi. Varendah 3ft umin tin numei le pasal agoma kikoiding Warden khat in avet tup ding ahi. Hiche Hostel a umdinghi KBC houbung mi priority kipe ding ahi. Hiche hi gamsung chate semna a KBC Mission in pan lahna a kibol ahi.

Hiche munhi Mission Centre ahijing to kilhona tua lhah khopi sunga um KBC houbung mite jouse houinn kaikhom namuna kitem ding ahitai.

Kumkhat sunga hiche hostel hi jotei ding ti tohgon kinei ahito lhonin alolhinthei nadin Pathen henga taonan anagel doh jingu hite.

NOON PANI MISSION FIELD THUA KIHOU NA:

Manipur Nepali Mission field laha amasaloi tuni chana hinkiboi pijing Noon Pani thua Mission Board thalheng in Rev Letpu Kipgen Finance secretary le Rev Henjalen Doungel Mission secretary, S.Changoubung houbung lamkai ho toh achesa 18 March 2018 nichun kihoukhom na anakinei jin ahi. Hiche field a hi Rev Amar Rai anaki koi ahi. Tua ahung pension jou chule S.Changoubung Houbung Independent Church a aumjou va hi ipi iti pan lahding ham ti thua gamnei houbung lamkai ho toh kihoutoh na hi anakinei khom ahi. S.Changoubung Houbungin

tule tua Evangelist Parsuram akoi uhi Assembly phatsah a kilheng ahi jallin pha akisan chuto Ihonin phat chomkhat hi hiche field a hi office lama kona missionary dang soltalouva khomiten atunu Evangelist pu hi taona a tosot ding in kiphat sah na ahung kinei tai.

GAMBIH NO 12 LAMKAI HOTO KIHOU TOHNA:

Achesa kum 2017 Gambih No 12 Combined youth day kiman na thuto kisai ja Pastor Satminlen Khongsai KBC Youth Secy in atoh muna kon haina lekha anase thua lungkimlouna anei jalluva gambih lamkai hon Convention office a application ahin se u CEC representatives le Gambih Executive ho 15 March 2018 nin Chahkap Gambih Centre a kihou na ana kinei khom in ahi. Langkhatna Pastor Satminlen khongsai jin 15th March nia CEC thupeh dungjui ja KBC General Secretary Office a joining report anapeh kit tah jeh in ama application chung changa sei ding aumtapon ahi. Hito kilhonin gambih lamkai hon "Gambih sung thilsoh khat ahijalla nopmo kisa a kibol bou ahin Youth Secy in amopoh na anung lo tah leh seibe ding aumtapoi" atiuvin ahi.

Convention Executives in houbung thu Gambih hopa louhella boipina aneinao chung lungkimlouna aphongdohun tukalle Gambih to kitho khoma aphantnading pena Y. Thingkangphai thuhi pan lahkhom din kivailhah na ahung kinei tan ahi. Tua lhah Gambih dinga Pastor thah kisol jong lutpana Gambih le houbung lamkai ho toh kipah le thanom taha pan alah khom dingu ahitai.

HOLY MATRIMONY:

Arunachal gama Missionary dinga anakalsong Haolenlal Kipgen achesa 23rd March nichun Bekhuliang vangkhoea cheng Miss Happily Tamai toh Pathen houdan thengin Rev. Khupthang Kilong C/Church Salem Saikul Pastor pun kikhutsuina ananei sah tai.

Missionary Haolenlal Kipgen hi 14th Oct 1979 in Thingphai vangkho a anapenge. Apa min Otkhomang Kipgen ahin anumin Nengting ahi. Tu le tua C/C Salem Saikul KBC No 3 a cheng ahi. Aji Miss Happily Tamai hi Pu Bachelum Tamai le Bajingsai Tamai chanu neisun Bekhuliang Arunachal khoa kon ahin 21st October 2000 kuma anapeng ahi. Amanu jong hi khosung houbung sunga nungah gollhang laha pan hinla jing hougut nungah monpi umtah khat chu ahi.

Missionary Haolenlal Kipgen in agammi numei jia ahin neihi KBC Mission Board in sangtah in akimon pin nikhat leh anigel hona agamsunga Mission natoh na a pan lentah ahin lah hon ding kinepna akinei je. Tuni chana hi Arunachal gama midang in gamleiset achohthei lou

ahin hinlah Missionary Lalboi te nupa jalla nikhat le KBC in agama hi Mission natoh project lentah tah eiho mina ihin bol thei ding u kinap na lentah akinei je.

Pathenin Christian insung pilhing tah semdoh ding chale nao,nei le nga chule hetnale chih nan phatthei boh jing hon taken.

MISSION SUNDAY 2018

Kumseh a hung kimang jing bangun tukum in jong Mission Sunday kipah le thanom tahin Convention houbung jousen anakimang kite. Haptasunga kiman chah na jouse Mission natoh to kisai jin program akigong in thupi jong Mission natoh jeng anaki seiphong in ahi. Phaitolsung Centre Church ho le Lamka tolpi chule kangpokpi lhang lam Centre Church ho Pastor pulpit kikhelto na anakisem in ahi. Gambih jouse a Pastor ho jong amakiman na houbung cheh a Mission thusei dingin kinganse na anakineijin kipah le thanom tah in Mission Sunday chu anakimang chai tan ahi.

Hiche Mission Sunday to kisaija houbung tina envelope hung kihom hochu houbung tampin office lama ahinthah lut tan achung uva kipa thu akiseije. Tuhin houbung phabep ahin thah lut loulai aumnalai jin, agangthei pena Mission office lama ihin thah lutcheh diuvn jong ikitemkit uve.

Mission Sunday to kisai ja thusei ho le pan laho jouse chung a KBC Mission office akan kipa thu sang tah ahung kiphonge.

GAMBIH NO 8 NUTE CHUNGA KIPA THUSEI:

Elijah Taona moul pilhin sah nading le semhoi nading tohgon Convention Mission Board in lungel akinei jing lai jin amuna ngaichat hijing Vanleng bel khap 10 khat gambih no 8 nuten kipah tah a donate eihin bolpeh nao chung a Mission board in kipa thu sang tah ahung kiphong e. Pathen in Gambih nute kiloikhomna phatthei boh jing taken. Hitabang a hi gambih chule houbung miten jong KBC in taona Moul ineisunu EPM adia kithopina ineithe na dingun kot lentah akihong jinge.

GAMBIH LE HOUBUNG MISSION NATOH CHUNG CHANGA HETSAH NA:

Kumle lha tampi Convention Mission na ihin toh naovah abih bihin tunichan in jokham cheh in ipang thei jing un amasan Pathen thangvah ute.

Tunia houbung lamkai hole gambih lamkai ho henga kahin seinom chu, Mission Board kiti hi houbung le gambih jousea umdia KBC Con-

stitution a kicheh tah a kijih ahi. Ahin vangset umtah in tunin gambih le houbung tamtah a Mission board hi akisumang gamtan ahi. Konkhat chu gambih/deacon board in apokhom gam tai. Hiche hi thilhoitah le kilem tah dana akilah vangin Constitution ivetleh adih thei tapon ahi. Hinlah langkhat a Mission natoh hi gambih/houbung level a natong ahijehin akhen ahah san poh khoma toh khom jong himo lou danin akilang jie.

Mission Board kiti hi suhmang thei ahipoi hoisella semphat ding igambih le houbung sunga ahahsatna aumtah jongleh Mission programme ho notthap louhella gelkhoh angaije. Ajeh chu Mission natoh beija houbung /gambih chu athisa ahi.

Kivaihom na chena lhongpi dungjuja gambih Mission board hohin budget akisemuva gambih avilthei diu, tohle tham akisem uva Mission natoh machal nadia pan alah thei diu ahi. Houbung sunga jong Mission board ho tha ipeh uva kihetkhel pi louva natoh akigon hou atoh doh nadiu va Deacon Board in ina kitho pijing dingu angaije. Langkhata Mission Chairman konkhat in Chairman hina power a Head Deacon/Pastor panglouva thunei tah a natoh thilbol ahin lamkai ji teng Deacon board/Executive kaha kihet khel na asosah jin hitabang thilsoh thei ho jong chu ichih thei u angaikit e. Mission Board kiti hi Deacon board/gambih executive chu hijeng ahi. ihetma bangun deacon board natoh chu mission board natoh ahin mission board natoh jong chu deacon board natoh ahi. Hijeh a chu Amani hi itato lou dingu ahi.

Ipi hileh tunia Mission dinmun hi anagel phaohitin suhhat a pha isah uham ahilouleh suhmang dinga pha isah uham ti anagel u hitin akicheh khat Constitution Amendment na ikisem phat diuvin dei aumin hiche nikho lhinmasang chun kihetkhel na Board a neilouvin Pathen natoh nadia thanom taha mang din ikitemun ahi.

CHINA FIELD MUN'A KON HOUBUNG LEKHATHOT

December, 2017 – February, 2018

Avel'a eitaopeh holeh eihin dinpi jingho heng'a tohphon (Newsletter) lekhatot hinjij theiya damna eipe'ah Pa Pathen thangvahna kahinpe in ahi. Eihin taopeh insung leh houbung mite hetding in lha thum (3 months) sung'a kaki manchah dan lhon leh nataonau gaa phabep hi avel in hin tahlang kit inge.

1. Huhhingna Ana Kisan Thah Achesa 19th December 2017 chun Pa-then naa katoh nalthon Hand in Hand Children Play Center HHCPCL mun ah Pathen in kum 9 chapang amin Dona ChristMas lesson kahil

lhon nan, thudoh tampi leh kholgilna anei toh lhonin, jochan in kahil, kaseipeh jouvin Jesu Christa akisan nom jeh'n huhhingna taona kanajui sah lhon jouvin, apat tah'a Pathen lhagao in atohkahnna asei in ahi.



2. Christmas Programme Ana kimang Achesa 25th December chu China gam'a Christmas kana man masat nafen ahitoh lhon in Laos akon Sherlyn Lhingpineng Khongsai jaonan programe: kisuhhalna, Christmas thupi toh kitoh ah athu simkhomna, skits chuleh ngailut annkong sokhomna keini inn mun ah kana mangkhom un ahi. Hiche programme kaman sung un Pathen tahsan nailou loi mi nga (5) Jesu Christa hungpen thusim jong kana seipeh un ahi.

3. Leprosy Village Vilna 21st January, 2018 nikho chun local loi leh pai hotoh kithokhom in Yiliang kiti kho khat ah Leprosy ho umna kana vil uvin ahi. Tahsa damlouho doctornu'n aven, Pathen vahchoilaa sah khompi na, Pathen thu seipih na, taopeh naleh ann chang hop dohna jong kana nei un ahi. China gama leprosy vei hohi ama insung miten jong avet tahlou, government in mihem toh kipol khom talou ding'a thinglang'a akoi doh uh ahitai.

4. Government leh Local Inn Houbung Vilna Yiliang kho inn houbung kaga vil un lhachapa in hahsatna ato holeh angaichat uh asei in, chuleh houbung member khatseh bouvin Pathen thu (Mandarin) simthei anei uva, aki manchah dan ho kagel in ahileh inlang houbungho ihamphat dan uh kamube in ahi. Chuleh 26th January nikho chun Beichan government Houbung Youth kaikhomna ah kaga jao un, khangthah hon lung nachimset ah Pathen athangvah, avahchoi kamu uvin, kitilkhon aum l'eh in ahi.

5. English Winter Camp 19th January chun Chinese Spring Festival (Chinese New Year) holiday ana kilha pan tan, ahin Pathen naa katoh

Ihonna HHCP in chapangho dinga English Winter Camp agon jeh in kana kithopi in ahi. Hiche camp sungin chapangho science experiments holeh baking (cake leh nehthei chi chomchom semdan) kahilji in, chuleh kaki chepkhompi jin ahi.

Pakai lenggam ah natoh khompiu

Mr. & Mrs. S. Letminthang Haokip
KBC, M. Co-Ordinator, SEA

AUMTALOU GI. SATGOULEN KIPGEN IN VANGSETNA AHINTO NA CHUNGA PAN HINLA MLA PI NEMCHA KIPGEN CHULE KSO TSA TCFC (B) HOUBUNG MITE CHULE SAHLE LHANGA UM SOPI ULENAO TEHO KOMMA KIPA THUTHOT

Amasan Jesu Christa minnin kangailut nao salam kahin peuve..

Tuchung esopiu (L) Gl. Satgoulen in Vangset na ahinto nachunga sopi ulenao chengin Ngailut na neitah a esopipao longdamsa nahin boipiuva Natha napat uva naphat mantam tah hou Sumanga, Nanei nagou houjong itcha louva nahin sasah uva chule achenna a innmun chan lhut nathei dinga nahin boipiuva Tunikho a Ama ngailu chengle khosungmi Chule AHoubung mi tetoh Alongdamsa hitajongle lhah doh theija aumna chungin ahin Boipi hojouse chung a Houbung miten kipathu seijoulou kahin sei uve.

Adeh a MLA PI NEMCHA KIPGEN, KSO, TSA, TCFC (B) Houbung, Pu MDC Keithelmanbi, KMC V/A, KYA, WOMEN WING Chule sahle lhang a um sopi ulenao tehon neingailut nao hi keihon alethuh na di ema kanei jou pouve hijong le natoh phat nao chung a Hatchungnung Pathen nin nachung cheh uva phatthei na nahin boh taohen

Tunikho in sopi (L) Satgoulen aumna Houbung KEITHELMABI BAPTIST CHURCH KBC GAMBIH NO 5 HOUBUNG MITEN Esopipao na Ngailut naole nahin khoh sahnao chung a kipathu kahinsei Uve... kipatha thu kasei naova Seikhel alhingel aumle eihuhhingpao jesu christa min nin Ngaidam kahin thum e.

KAKIPAH E.

LUNJAGOU KIPGEN HOUBUNG SECY
Keithelmanbi Baptist Church KBC NO 5

KIPA THUPHON

18Th March 2018.Centre Church Chavangphai KBC No.15 mun a song Service In aid of LOM Resource Centre ading a Artist anakikou ho hihen lang chule VIP adinga kingaicha ho hijongleh tomngai tah a naphat mantam tah u nahin phaidoh uva na ow ngai nao,natha,na sum le pai nahinphal dohjehe un,nachungcheh uvah kipathu kahin phong e.Chule Pu Khakhai Khongsai Yangngoutubi injong Sound eipohdoh pih un Pathen in phatthei bohjing taken.

Achainan Centre Church chavangphai Houbung a Nupi Upa chule Nungah Gollhang fel tahtah programme sunga mipi jalla kis-aboi hojouse chung a jong kipathu kahin phonge kit e.Pathen na natohnao,nacholnao chung uva phatthei naboh taohen

Secretary Men Dept. KBC

MEN SEMINAR CHUNGCHANG A

KIPA THUPHON



KBC Men Department Assembly kiphatsah nabanga Seminar EFICOR tetoh neikhom dinga thulhuh na kinei chule KBC General Assembly Approved eibolpih utoh Ihonin achesa nisim 15-18 March 2018 sungin Centre church Chavangphai,Moreh KBC No.15 a lolh-ingtah in akichaitan ahi.Hiche Programme alolhin thei nadia pan hinla ho (1). Resource Person EFICOR a pan a hungho (2)Gambih Lamkai ho (3)KBC Men Work Committee ho,chule khonei Houbung ho chule Gambih Pastor pu le Centre Church Pastor pa chuban injong KBC No.15 Men Work Committee hojouse chung a kipathu sei-joulou kahin phonge

Secretary Men Dept.KBC

Women Column

KBC, NUTE NIKHO PROGRAMME

May 13, 2018 (Sunday)

Thupi: Thoudoh in salvah tan (Isaiah 60:1)

MIPI KAIKHOM NA PROGRAMME

* Houkhom Lamkai	: Women Chairperson
* Thangvaah na Laa	: Hb, La no.198 (Pakai vahchoinan)
* Tao ding	: Men Chairman
* Labung	: BYD / Church Choir
* Tokhom	: KBC Women Ministry a ding
* Athenso ding	: Pastor / Head Deacon
* Bible simding	: Women Secy,
* Labung	: Nute 2018 Laapi
* Thupi	: Pastor/Head Deacon/Guest Speaker
* Phaina Laa	: Hb, Laa no. 506 (Pakaija dia)
* Tao mipi achaiding	: Speaker.

Hetsah

1. Sun Programme hi detail in ahung kipe tapon, eima eima Houbungin anopna thei le ahoina thei chan a ina kisem diuvn hetsah nahiuve.
2. Bible chang Kitet na dingin\Rome 12 : 9 - 21 hi ahung kilhenge

TAONA A GELDOH DINGHO

1. Tukum 2018 Nute Nikho imuthei jeh uva Pathen thangvahna.
2. Nute hinkho lem hon adalhah insung mite hoa dinga taod ing.
3. Nute tohgon ahung lhung ding October 16 - 20, 2018 sunga hi C/C New Lambulane, Imphal G/No. 1 a umding lolhin na ding.
4. Work Work Committee Tour Lolhin na ding.
5. Children Ministry a dinga Chapang Camp Gambih munlia umdinghololhin theina ding.
6. Nute Lamkai ho, Houbung hoa, Gambih hoa chule Conven tion a ho ding.

Lhingjanem Haokip, Secretary, W/Dept,

Lonpi Khonou B/Church, Nute in Lydia vil



Dt 17/03/2018 Saturday nikho hin KBC Gambih No.12 a um Lonpi Khonou B/Church, Nute mi 30 val in Lydia mun vil na ahung neijun, Warden nule Supervisor nu chule Instructor nu Lamkainan amun a um chapang ho jouse toh Fellowship akinei khomin, chadon khompina jong akineijin, amahon jong kipana jallin Lydia a dingin anchang Bag 1 le Wallclock ahinpeuvin, Pathenin amichang cheh hinkho le Women Department Lonpi Khonou phatthei boh tao hen.

Gl. LK Lun C/C S. Kanan Vengchunga kipathu

Kipa umtah in tukum 2018 a dingin Gl. LK Lun C/C S. Kanan Veng in Eimi Times Daily News hi Lydia Resource Centre te a dingin kipeh na in subscribe Free of Cost in eipeuvin achunga kipa thu Pakai minin Convention thalhengin ahung kiphonge. Pathenin amajong phat thei boh jing taken.

Women Work Committee Tour Gambih 1

47th Women Assembly kiphatsah na dungjuijin Women Work Committee Tour che akipantan, achesa Dt, 11 March 2018 Sunday nikho hin KBC Gambih No. 1 K. Songlung B/Church mun a Gambih Nute Kaikhom na a Work Committee ho jong akichen, Women Secretary nun Pathen thua houlim na aneijin, Pathen mapuina jallin kum 2018 sunga dinga Tour masapen chu akichai theijin Pathen thangvah aume.

Women Work Committee Tour Govajang BC KBC Gambih No. 11



Achesa nisim 15th March, 2018 Thursday nikho hin Work Committee Tour KBC Gambih No. 11 a Govajang B/Church mun'a akichen, Gambih sunga Nute ho mi 60 val ahung kikhomdoh un Houbung mipiten annenh tuidon phatah in mipi jouse din eina gonpeh un, khosung Haosapu le Houbung Lamkai le mipiten kipah tah in Pakai min a hung Nute ho ankong jong eisepeh un, nilhah Kaikhom na a President Pi Hekim Khongsai in Pathen thua houlim na aneiin, jingkah in Ng, Lhingjanem Women Secretary in Pathen thu a tilkhouna anei kit in, mipin an ngol taona akisujom paijin Gambih Pastorpa loinun Pi Hoinu in taona alamkaijin, Pi Hatneilam Vice President le Pi Nengboi Committee member nun jong ahung kikhom Nute ho tilkhouna phat amang lhonin nomtah in programme lolhing tah in akichai theijin Pathen thangvah aume.

KBC Gambih No.8 Lamkai Women Department Gari Bolero vailhun na le Maicham sem

17th March, 2018 Saturday nikho hin KBC Gambih No.8 Lamkai ho Gambih Pastor pale Secretary chule nute lamkai hon



Gambih Office mun a KBC Women Department Gari Bolero vailhun na le Maicham sempehna aneiin, achunguva kiapthu Pakai minin Convention Nute jouse thalheng ahung kiphonge.

Youth Column

YOUTH LEADERS' MEET

Youth Assembly a kiphatsahna bangin tukum Youth Leaders' Meet hi gontohna akinei dungjuja muntin KBC Youth lamkai kiti taphot hungpang cheh dingin kouna le temna sangpen akineiijin ahi. Hichun Gamkai a Youth lamkai ho sehseh hilouva akho akhoa houbung jousea Youth lamkai jouse jong ahoptha ahi.

Anikho : 1 May 2018

Aphat : 10:30 AM

Amun : KBC Centre Church, New Lambulane

BIBLE QUEST 2018

Kum seh a KBC Youth Department tohgonna noiija Bible Quest hi ki-hung chepi jing ahitoh lhon in tukum jong October 14, 2018, Sunday nikho kibolkit ding ahitah jeh in, Minu-Mipa, Nungah-Gollhang jouse pangthei ahitoh lhona anomchan in pan ina lahdiuvin temna ahung kinei jinge. Form jong Gamkai/Gambih jousea akithot dohsoh tan, Youth lamkai ho koma ina kilah theidiuvin hetsahna ahung kineiye.

Bible Lekhabu : Jeremiah le Lamentations

BQ2018 Prizes:

First: 15,000/- + Memento

Second: 7000/- + Memento

Third: 5000/- + Memento

Consolations: Mi 10 chan-Holy Bible (Leather Cover) + Memento

BQ 2018 Exam Centers:

IMPHAL GAMKAI

1. KBC Houbung, Newlambulane
2. KBC Houbung, Langol
3. KBC Chapel Hall
4. KBC Houbung, NGV
5. KBC Houbung, Lamphjel
6. KBC Houbung, Canaan Veng
7. KBC Houbung, K. Songlung

8. KBC Houbung, Maphou

9. KBC Houbung, Leimakhong

ZALENBUNG GAMKAI

1. KBC Houbung, Zalenbung
2. KBC Houbung, Pashong
3. KBC Houbung, Songphel
4. KBC Houbung, Phailengkot
5. KBC Houbung, CEC School Semol

KANGPOKPI GAMKAI

1. KBC Houbung, Kangpokpi

TWILANG GAMKAI

1. KBC Houbung, Songjang
2. KBC Houbung, Kotlen
3. KBC Houbung, Tujangvaichong
4. KBC Houbung, Govajang

SAIKUL GAMKAI

1. KBC Houbung, Saikul
2. KBC Houbung, Pangjang
3. KBC Houbung, Molkon Bazaar
4. KBC Houbung, Khomunnom

SAPORMEINA GAMKAI

1. KBC Houbung, Salem Sapormeina

NK MANBI GAMKAI

1. KBC Houbung, NK Manbi
2. KBC Houbung, Khoken
3. KBC Houbung, Joujangtek
4. KBC Houbung, Tingkai
5. KBC Houbung, Sajal

SINGNGAT GAMKAI

1. KBC Houbung, Singngat
2. KBC Houbung, Haijang

CCPUR GAMKAI

1. KBC Houbung, Hill Town
2. KBC Houbung, Kulbung
3. KBC Houbung, Twinom
4. KBC Houbung, Matalambulane

TUIBONG GAMKAI

1. KBC Houbung, Tuibong
2. KBC Houbung, Kanan Veng
3. Logos School B. Vengnom
4. KBC Houbung, T. Champhai
5. KBC Houbung, Matejang
6. KBC Houbung, M. Tampak

SANGAIKOT GAMKAI

1. KBC Houbung, Sangaikot
2. Sugnu Mission Center

3. KBC Houbung, Govajang

4. KBC Houbung, Lungngil

5. KBC Houbung, Songpeh

CHAHKAP GAMKAI

1. KBC Houbung, Chahkjav
2. KBC Houbung, Aigejang
3. KBC Houbung, Lonpi Khunnou

KHENGJOI GAMKAI

1. KBC Houbung, Khengjoi
2. Dingpi School, Khangbarol
3. KBC Houbung, Molcham
4. KBC Houbung, Songjang
5. KBC Houbung, Tujang

GAMPHAJOL GAMKAI

1. KBC Houbung, Gamphajol

MOREH GAMKAI

1. KBC Houbung, Moreh
2. KBC Houbung, Chavangphai

PALLEL GAMKAI

1. KBC Houbung, Molnoi Area
2. KBC Houbung, Saivom
3. KBC Houbung, Phalbung

CHAHSSAD GAMKAI

1. KBC Houbung, Chassad
2. KBC Houbung, Maokot
3. KBC Houbung, Molvailup

KARBIANGJONG GAMKAI

1. Amrajan Mission Center
2. KBC Houbung, Molsang
3. KBC Houbung, Khoding

E. MULAM GAMKAI

1. KBC Houbung, E. Mulam
2. KBC Houbung, Gangpijang
3. KBC Houbung, H. Champhai
4. KBC Houbung, L. Salempchai
5. KBC Houbung, K. Moulpi
6. KBC Houbung, Twisomjang

BONGMOL GAMKAI

1. KBC Houbung, Bongmol

NAGALAND KBC

1. KBA Houbung, Khaibung

2. KBC Houbung, Ahthibung

PUNE KHOPI

AIZAWL KHOPI

SHILLONG KHOPI

Education Column

Theological Student mi 9 Scholarship hopdohna kin akimang



March 22 (Thursday) 2018 nihin Christian Education Board mopohna in Theological final year student mi 9 Scholarship hopdohna kin akimang in, ama tahsatah a hungkilah mi 2 bou ahiuvin, adangse hi Course chainailou hungpot doh nailou ahiuve. General secretary pu Dr. Thongkhosei Haokip in tilkhouna thu ngeitah aseitoh kilhon in Taopehna jong aneijin, Board Chairman pu L. Haokholet in houlimna aneijin peh ding a kilom ho Finance section leh Board member hon phatechan hopdohna ana kineitai.

KBC Education Board member holeh Kanggui Christian college Teaching Staff ho One day Seminar cum Interaction aneikhom nao.

March 26, 2018 nihin Education Board member hon Kanggui Christian College vilna akineijin, Board meeting akitou ouvin Teaching Staff hotoh meeting akineijin, maban'a College semphatna ding

lunggel ho akiseikhom in ahi. Tunichan'a idin mun'uva lhahsam-na lenpen hi Infra-structure alhahsam jeh ahidan akimudoh in, maban'a hi Houbung jousen pan ilahkhomdiu hi angaina akiseikhomin ahi. Convention min'a College khat sun2 ineiju hi Houbung jousen khohsahna lentah ineijuva phatecha a semhoi ahitheina dinga taona toh tho'a pan ilahdiuvin temna jong kahinneijun ahi.

Simlai (H/S section) ho hetttheidin 'Thepjilna' thudol hilchetna hi English in kiseileh kichen jep inte ti ngaitona'n noija hin themkhat kahintah langin, aban issue a jong hung kisojom ding ahi.

What Is Education?

Education is a process in which and by which the knowledge, characters and behavior of the human being are shaped and molded. Education is lead to the enlightenment of mankind. Imam Ghazali said that education is a process which enable an individual to distinguish between the true and false, the good and bad, the right conduct and the evil doing. Aristotle said a education is process of creation of sound mind in a sound body. Pestolozzi said education is a natural, progressive and systematic development of all the forces. It distinguishes human being from other creations. The process of education is not only self- realization of the individual but it is also to bring into action the potential in man.

Meaning of education

The "education" has been derived from Latin words "Educare, Education of Educare." Educare means to train, to bring and to nourish while educate means to lead out, so we can say that education is to bring up, to developing and shaping up the individual talent and his inner potentialities.

Man today is at the peak of civilization. It transformed itself from the stone age and cave man to the position of governing and observing the phenomena in space, hyperspace, and stars and in the depth of oceans and the earth. Computer revolutionized the human life and world is now just like a village which is called globalization. It is universal fact that the present century is well known for scientific discoveries, research and information technology. So in this developing and progressive period every thing is changing and increasing day by day. So education is lifelong and dynamic process. It begins at birth and continues throughout life. Education is life and all of the life is education.

Man is like a rough diamond and requires filling and polishing before all his faculties can function. Education is polishing and filling of human personality, so that it reaches its fullest development. It enables one to lead a better physical, intellectual and spiritual life, that is why Thorndike said that education means growth while growth means many sided development thus it enables a person live hygienically and to earn honest living.

Purpose of Education

Following are the purposes of education

1. Intellectual development of cultivation of mental facilities is the important pur-

pose of education because mind is the basis of reality. This facility stress logical thinking, rational attitude and analytical activities according to this theory balance personality can be developed through balance intellectual development.

2. Self realization, self knowing, self understanding and self explorations are another core purpose of this theory in order to maximize positive respects and minimize negative aspects of their personality, society and nation.

3. Development both mental and physical health is essential purpose of education.

4. Worship is an important value, which brings man close to God.

5. Character is a value of both individual, collective importance, which is necessary for a just peaceful society.

6. Beauty, enjoyment, appreciation, promotion, creation of beauty in nature and art is necessary for successful life.

7. Knowledge and skill is important for maintaining life, economic prosperity, social uplift and political stability.

8. Value inculcation is another main purpose according to this physical, intellectual moral, spiritual, economic, social and political value can be developed through education.

9. Meaning and Types of Education

10. Meaning:

11. Education is the process of bringing desirable change into the behavior of human beings. It can also be defined as the "Process of imparting or acquiring knowledge or habits through instruction or study". The behavioral changes must be directed towards a desirable end. They should be acceptable socially, culturally and comically and result in a change in knowledge, skill, attitude and understanding.

to be continue

A. Geljang B/C KBC No.19 Houbung Revival Camp lolhingtah' a Kichaita.

Achesa 15-18 March 2018 sunga KBC General Screatary Rev Dr. Thongkhosei Haokip leh Gambih Pastor Rev T. Thangkhosei Haokip, hetpehna noija Houbungin Revival program anakineiijn ahi.



Speaker : Rev Lamkeng Lhouvum

Camper Houbung mite gunchu tah in apangun, Houbung neocha kahivangun kilungtoh tahin kapangkhom un ahi.

Revival Camp a pengthah loulai mi phabep Pakai kisana aneijun chuleh Christa hina neisaho chengsen jong kitilkhau bena kaneijun ahi. Pathen in Houbung phatthei bohjing taken.

Pakaija natoh khompiu

Pu JangkholenGuite, Head Deacon A. Geljang B/Church KBC No.19

Saheibung Baptist Church KBC No.7 Nu le Pate Camp

Kipa Thuphon

Muntina tohkhompi holeh Prayer Partners ho, Pathen in itaonao-hoasangin kakipana kahin phonge.

1. Nu le Pate Camp Achesa 22-25th March 2018 sunga Saheibung Baptist Church KBC No.7 chu Pathen lungset in lolhing tah in aki-chaitan ahi.

2. Tuchunghin Camper hi couples 22 leh Pate leh Nute dang jonga-pangun ahi.



3. Pathenlungset in Evangelist Chingboi Chongloi amangchan Camper tampin, kipananeijin Pathen henga kipathu seinah jong aneijun Pathen kathangvah e.

4. Saheibung Houbung hi tutuhin In 30 lam alhingtaove. Chuleh Haosapujong lungmonpi umtah KBC leh Gamsung adiakinep pi umtah Pu S Athang Haokip le Insung mite ahin, lung mon a um lhehjungun ahi.

5. Saheibung Kho hi Tutua Manipur a Railway lampi Leikokivu (Molkivu) nakom ahi. Tuhin gam sung khan toumachal hung kip-atnakom ahi.

Khonung adia kineppi um khangthahho jong ponthotah in apan-gun ahi. Hiche Camp lolhintheinadia Tao na le Thumna a eikithopi-hojouse chung a kipathu sang tah' in kahinphongin ahi.

Pathen in phatthei eibohjingtao hen.

Rev Lamkeng Lhouvum Pastor, KBC No.7

KBC No.7 Men Department An Ngol (Fasting Prayer)

Pathen lungset in achesa 22 March 2018 nichun KBC Gambih No.7 Pate Mopohna noiya Gambih Centre New Kelthelmanbi Mun'a An ngol taokhomna akineijin Pathen lungset in lolhingtah in akichelgan ahi.



Speaker: Rev Lamkeng

Gospel Artist. 1. Miss Nenei Kilong
 2. Pa Seiboi Kipgen
 3. Miss Lhingboi Haokip
 4. Pa Hemsei Haokip

Amaho cheng apangun ahi.

Kipaumtah in mipa 100 chung lam ahung kikhomdoh uvin, chul-ehadang mi 30 ahungkikhomun ahi.

Pathen jallin taokhomna nom tah in kakimangchaovin anom lhehjenge.

KBC Pate kiloikhomna Pathen in phat theiboh jingtahen.

Pakai a natohkhompi.

1. Pu Nohsei Haokip
 Chairman M/Dept. KBC No.7

2. Pu Hemsei Haokip
 Secretary M/Dept. KBC No.7



**Kanggui Christian College Board member ho toh
teaching staff ho toh kimutokhomña.**



**Litan Sareikhong Baptist Church KBC no. 2 ten Easter
Sunday Rev. Letpu Kipgen Finance Secretary toh
aga kimankhom nao**



**Govajang Baptist Church Gambih 11 mun a nute anngol taona
kineina a Women Work Committee tour cheho toh nisim
16 March a kiman khom na**

Post Regd. MNP/81
Regd No. 18134/88



KBC Education Department tohgon na noija
Theology simlai mi 9 ho kithopina
Scholarship hopdohna nisim 22 March nikho
nin KBC Chapel Hall mun ah ana kibol tai.

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173